

INUIT ATAQATIGIIT INATSISARTUNI



UKA2021/007

23. November 2021

Agathe Fontain

Pingajussaaneerinneq

2022-imut aningaasanut inatsissatut siunnersuut.

(Aningaasaqarnermut Nunamullu Namminermut Naalakkersuisoq)

Nunatta karsiata 2022-mut pingajussaaneerneranut isumaliuutissiissutaanut Inuit Ataqatigiinniit , oqaaseqarnitsinni immikkut oqaaseqarfigerusutagut oqaatigitinnagit, Naalakkersuisut qujaffigerusuppagut suleqatigiilluarsimanermut.

Aningaasanut Nunamullu Namminermut Naalakkersuisoq peqataatitsilluarsimavutit, ammasumik pissuseqarlutit, tusarnaarlutit naapigiaallutit, minnerunngitsumik piviusorsiortumik suliaqaqatigiinissaq angorusussimavat. Tamatta inissaqarsimalluta misigisimavugut. Qujanaq.

Qinigaaffik nutaaq allartimmat, Aningaasanut inatsisiliornermi piffissaq sivitsuarannguaq piffissaralugu Naalakkersuisut Aningaasanut inatsisissatut siunnersuut saquumiuppaat. Ingerlannarlu paasinarsivoq, aningaasaliiffigisassat nutaat aamma takkuttut.

Kalaallit Airport aningaasanik amerlanerusumik pisariaqartitsisoq paasinarsivoq, Qaqortup mittarfissaa pilersaarummiit akisunerungaarpoq, Ingerlatseqatigiiffiutigut arlallit ingerlalluarsorisat sunaaffa ajorluinnartumik ingerlasut. Il.il. Ajuallannarpoq, Nunatta Ingerlateqatigiiffii, tulluusimaarutigisagut, paasillugu ajorluinnartumik ilaatigut ingerlasoqartoq.

INUIT ATAQATIGIIT INATSIARTUNI



Naalakkersuisut sullisitit ativaat, akisussaaffik tiguaat, suliassatik suliaaraat. Massakkullu toorsilerutta aamma uagut Inatsisartut, sullisigut atillugit, akisussaaffimmik tigusinniarnarluta, inuiaqatigiinnut nalunaarutigissavarput.

Aningaasanulli inatsisikkut siullikkut suna tamaat aningaasalersinnaanngilarput, tilleriissaarisariaqaratta. Tamanna aamma akisussaaffimmik tigusineruvoq.

Inuit Ataqatigiit , Aningaasanut Inatsisikkut 2022-mut aallatittumik utoqqalinersiutillit, siusinnaartumillu pisartagallit, aninnertunerusumik aningaasatigut pitsanngorsaaffigineqarnissaata aallartinnissaa, pingaartipparput. Alloriarneq siulliuvoq, suli ukiuni tulliuuttuni annertusiartornissaat siunertaavoq, suliarlu tassaniiginnanngilaq, inatsisitigut

allannguinnissat pisariaqartut aamma suliassaammata, minnerunngitsumik eqqarsaatigaakka, inimut tapit inatsitaat aamma allanngortinnissaat suli suliassaammat. Taakkulu allanngortinnissaat naqissuserparput.

Qalerannut akitsuut 0-ngortinnissaa , qineqqusaaruterput naammassissammat nuannaarpugut. Sinerissap qanittuani, qaleralinniat, nutarsaasinnaanissaminnut periarfissaqalissammata qutsappagut. Pisariaqartittuassavassi ajunngitsumillu angallatitigut nutaarsaasarnissarsi periarfigissaarnerulissasoq isumaqarpugut. Qujanaq aamma ilissi isummersoqataalluutarassi.

Nuna tamakkerlugu meeqqat kigutaasa narlorsartissinnaanerat, oqaasertatigut ilanngunnissaa kissaatigisimavarput. Aaqqiissutissamillu Naalakkersuisut suliaqarnerat erinigaarput. Nunatsinni meqqat pisariaqartitsut tamarmik assigiimmik periarfissaqartariaqarput.

Inuusuttunut inissianik, Qasigianguani, Tasiilami, Ittoqqortoormiuni, Kangaatsiami, Upernavimmi sanaartortoqarnissaa angusinnaagatsigu nuannaarpugut. Inuusuttut imminut pilersortut, imminnut akisussaaffigisut pisariaqartippagut. Naalakkersuisut kaammatussavagut, pilersaarutit malilllugit

INUIT ATAQATIGIIT INATSIARTUNI



illoqarfinni siunnerfiusunut sanaartortoqarsinnaanngippat eqaatsumik periuseqarlutik, illoqarfinni allani sanaartornissanut nuutsisoqarsinnaaneramik qinnuteqarsinnaaneq ammaffigeqqullugu.

Oqaasileriffiup siorna aningaasatigut sipaarfigineqarsimanera, pissusissamisoorsimannngilaq. Oqaasiinnaanngitsukkut oqaatsigut pingaartikkaanni, Oqaasileriffik sipaarfigineqartussaannngitsutut isigaarput, taamaammat sipaarutaasimagaluit utertinneqarnissaat angugatsigu, Oqaaseriffimmiut, kalaallisullu oqaatsigut qutsappagut.

Imminut pilersornissaq aaqqissuteqqinnissanut Aningaasnut inatsimmi oqaasertaliineq, pisussaaffiliivoq suliamik aallartitsinissamik, piviusussiortumillu sulinissamat. Tamannalu iluarisimaarparput.

Naalackersuisut, Aningaasanut Inatsisissamat 2022-mut allannguttissatut siunnersuutaat, Immikoortukkaarlugit normulersukkat akuersaarpagut.

Annikitsunnguamik makku oqaasertalerugit:

Allannguutissatut siunnersuut nr. 97. Nunanut allannut Naalackersuisoqarfiata atorfilittatigut allaannguuteqarneranut, Pisortamik atorfinitsisinnaalernissaq. Takutippaa Nunanut allanut Naalackersuisoqarfeqarnissaq neriorsuutitut ingerlassasoq.

Allannguutissaq nr. 98. Kommunit Nakkutilliisuisa, Kommuneqarfik Sermersuummi pisup ilungersunartup, suliakiusaasa malitsigisaanik, Ineqarnermut Naalackersuisoqarfik, periutsinik, suleriaatsinik, inatsisinik il.il suliaassinneqarnerata kingunerannut aningaasaliisutinik piareersimasariaqarneruvoq.

Allannguut nr 99

INUIT ATAQATIGIIT INATSIARTUNI



KNI A/s iluani, Neqi A/S aningaasatigut ikiorserniarlugu aningaasaleeqqinnerit. Tamassuna aamma kinguneranik , iliuseqartariaqaneq, ungasinnerusumullu pilersaarusioneq pisariaqarmat.

KNI-mut tungasoq , Inuit Ataqatigiinniit ilungersunarluinnartutut nalilerparput.

Allannguutit : 134, 136-137 aamma 139

Kommunenut isumaqatigiisutit , imaqarput ilaatigut, Isumaginninnerup iluani , kommunit, meeqqat angajoqqaaminnit sumiginnagaasut, suliassartaanik suliaqarnermini kinguaattoorutaasa millisarneqarnissaannut aningaasaliinerit .

Aningaasaliinerit pisariaqavipput. Meqqat pillugit. Angajoqqaat, kommunellu sumiginnaanerat, meeqqat akilissanngilaat.

Naalackersuisut nersualarpassi, ukioq manna kommunenut isumaqatigiissusiorsinnaasimagassi. Akisussaaffimmik tigusineruvoq.

Allannguut 140:

Qaqortup mittarfiata aningaasalersorneqarnera.

Ineqarnermut Angallannermulu Naalackersuisoq qutsavigaatsigit. Naalackersusiutut ikkutiinnaavillutit, ullumikkut paasissutissat piviusut qanoq ittuunerannik sukkasuumik suliaqarsinnaasimagavit. Ilisimasat nutaat piviusut ilisimalerpagut. 2018-mi akuersinnginnermi ,ilisimasariaqarsimasaraluit.

Mittarfiup takissusaata sorliup, suna kingunerissagaa,qanoq akeqassasoq ersersippat, siunissamut suna akilersinnaanerusoq il.il. Assigiinngitsorpasuarnik isumaqarfiupput, soorunami, sunniuteqartussaavormi arlalinnut. Ullumikkullu Inatsisartuni isumaqatigiinneq aanertuvoq, tamatmiullutami, paasisat tamaasa paasereerlugit, toqqarparput Qaqortup

INUIT ATAQATIGIIT INATSIARTUNI



Mittarfia 1500 m-uguni siunissamut aningaasaliinerussasoq. Suliaq qangalili naammassineqarsimasimasussaagaluaq, akisussaaffik tigullugu naammassisinnaagatsigut, nuannaarpugut.

Parisimi isumaqatigiisummut ilanngunniarneq Inuit Ataqatigiinniit pissusissamisoortutut isigaarput. Inatsisartunullu isumaqatigiisummut piviusunngortitsinissamik saqqumiinissaq qilanaararput. Silap pissusaata allangoriartornera upperigaanni, nunatut iliuuseqarnissaq avaqqunneqarsinnaanngilaq. Piniartortagut annertuumik eqqugaapput, piniagassat nikipput, pissutsit silap pissusaanut ilisimasat allanngorput, assortugassaannngitsumik.

Naggataatigut Aningaasaqarnermi ataatsimiititaliami suleqatigiinnermut ilaasortaqaatit, qujanaq. Suliaq nuannersoq naammassinialeqaarput. Nutserisugut qujanaq, pikkoreqaasi aamma nersunaqaasi. Qungujulaartuarpusili.